



BOSNIAN-HERZEGOVINIAN FILM FESTIVAL™
NEW YORK CITY

Kontakt:

Amra Turalić
(917) 302-2702
aturalic@gmail.com

ili

Edita Zulić
(646) 752-5030
edita@bhffnyc.org

**BOSANSKOHERCEGOVAČKI FILMSKI FESTIVAL (BHFF™) NAJAVLJUJE FILMOVE ZA SVOJE ŠESTO
IZDANJE 15. I 16. MAJA 2009. U TRIBECA CINEMAS U NJUJORKU**

Njujork, April 2009.: Bosanskohercegovački Filmski Festival (BHFF™) je najavio trinaest filmova za svoje šesto godišnje izdanje 15. i 16. maja 2009. u Tribeca Cinemas, jednoj od glavnih filmskih institucija u Njujorku.

Već dugo očekivani filmovi prikazuju raznolikost bosanske dijaspore i njenih filmskih stvaraoca koji istražuju različite teme, te dolaze iz mnogih dijelova svijeta: ne samo Bosne i Hercegovine, već takođe iz Slovenije, Hrvatske, Švicarske, Australije, te Sjedinjenih Američkih Država.

Selekcija filmova uključuje osam američkih premijera: igrane filmove, "Traktor, ljubav i rock'n'roll" i "Čuvari noći", animirani film, "Ljudi još uvijek idu na mjesec", kratke filmove "Razor", "AgapE" i "1/2", te dokumentarne filmove, "Vjernici" i "Ako ovo gledaš, mama". Neki od filmova koji će biti prikazani na BHFF-u su dobili međunarodna priznanja na festivalima širom svijeta.

Među filmovima koji će biti prikazani su takođe, "Teško je biti fin", koji je zvanično prijavljen od strane Bosne i Hercegovine za Oskara 2008. godine, te "Tolerantia", prvi kratki film iz Bosne i Hercegovine proizveden tehnikom 3D animacije.

Od osnivanja 2003. godine, BHFF je stekao pažnju izlaganjem savremene bosansko-hercegovačke kinematografije. Ovaj jedinstveni kulturni događaj, organizovan od strane dvije neprofitne organizacije u Njujorku, Radio Glasa Bosne i Hercegovine i Akademije Bosne i Hercegovine, služi kao platforma za prikazivanje filmova od strane novih te međunarodno priznatih filmskih stvaraoca a istovremeno doprinosi boljem razumijevanju ove zemlje, njene kulture, istorije i izazova.

Iako Bosna i Hercegovina, površinski veličine West Virginie, proizvodi samo nekoličinu igranih filmova godišnje, njeni filmski stvaraoci su svjetski priznati, a njihovi filmovi, iako nisko-budžetni, su dobitnici mnogih nagrada i priznanja. Nedavni primjeri su filmovi, "Ničija zemlja", dobitnik Oskara, "Grbavica", koji je osvojio Zlatnog Medvjeda na Berlinalu, te "U ime sina", koji je primio oko dvadeset filmskih nagrada širom svijeta.

Bosanskohercegovački Filmski Festival (BHFF™) je godišnja manifestacija koja promoviše svjetski priznate filmove proizvedene od strane bosanskohercegovačkih filmskih stvaraoca ili filmove na temu Bosne i Hercegovine. Za dodatne informacije i listu filmova koji će biti prikazani ove godine, posjetite web-stranicu <http://www.bhffnyc.org/>.



Radio Glas Bosne i Hercegovine je neprofitna organizacija posvećena očuvanju i jačanju svijesti o bosanskohercegovačkoj kulturi u New York-u i šire. Radio Glas Bosne i Hercegovine emituje sedmični radio program na bosanskom jeziku, a istovremeno je i organizator mnogobrojnih kulturno-društvenih manifestacija za imigrante iz Bosne i Hercegovine. Za dodatne informacije, posjetite web-stranicu <http://www.voiceofbh.org/>.

Akademija Bosne i Hercegovine je neprofitna organizacija koja služi kao platforma za razne kulturne, umjetničke i edukativne programe koji se vode od strane njenih članova, te koja prezentira talente i dostignuća dijaspore. Za dodatne informacije, posjetite web-stranicu <http://www.academybh.org>.

Tribeca Cinemas je dom filmskih premijera, svečanih prijema, te drugih javnih događaja u Manhattanu. To je središte čuvenog Tribeca Film Festivala, kao i prostor otvoren tokom cijele godine za raznovrsne privatne događaje. Za dodatne informacije, posjetite web-stranicu <http://www.tribecacinemas.com/>.

